

2025 ԹՎԱԿԱՆԻ ԼՈՒԿԻ ՄԹԵՐՈՒՄՆԵՐԻ ԳՈՐԾԸՆԹԱՑԻ ԿԱԶՄԱԿԵՐՊՄԱՆ ՄԻՋՈՑԱՌՈՒՄԸ ՀԱՍՏԱՏԵԼՈՒ ՄԱՍԻՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

2025 թվականի N -L

2025 ԹՎԱԿԱՆԻ ԼՈՒԿԻ ՄԹԵՐՈՒՄՆԵՐԻ ԳՈՐԾԸՆԹԱՑԻ ԿԱԶՄԱԿԵՐՊՄԱՆ ՄԻՋՈՑԱՌՈՒՄԸ ՀԱՍՏԱՏԵԼՈՒ ՄԱՍԻՆ

Հիմք ընդունելով Հայաստանի Հանրապետության Սահմանադրության 146-րդ հոդվածի 2-րդ և 4-րդ մասերը և «Հայաստանի Հանրապետության 2025 թվականի պետական բյուջեի մասին» օրենքի 9-րդ հոդվածի 21-րդ մասը՝ Հայաստանի Հանրապետության կառավարությունը **որոշում է.**

1. Հաստատել՝ 2025 թվականի լուիկի մթերումների գործընթացի կազմակերպման միջոցառումը՝ համաձայն հավելվածի:

2. Հայաստանի Հանրապետության Էկոնոմիկայի նախարարին՝

- սույն որոշումն ուժի մեջ մտնելուց հետո 5 աշխատանքային օրվա ընթացքում Հայաստանի Հանրապետության Արարատի և Արմավիրի մարզպետների հետ համատեղ մշակել և հաստատել սույն որոշմամբ հաստատված հավելվածի 3-րդ կետի շրջանակներում սուբսիդավորման տրամադրման ընթացակարգը.
- սույն որոշումն ուժի մեջ մտնելուց հետո 5 աշխատանքային օրվա ընթացքում հաստատել սույն որոշմամբ հաստատված միջոցառման շրջանակներում տոմատի մածուկի արտադրության նպատակով լուիկի մթերումների ընթացքի վերաբերյալ օպերատիվ տեղեկության հավաքագրման նպատակով մթերվող լուիկի քանակների փաստաթղթավորման և տեղեկության տրամադրման ընթացակարգը:

3. 2025 թվականի տոմատի մածուկի արտադրության նպատակով լուիկի մթերումներ իրականացնող տնտեսավարողների մթերման կետերում մթերումների գործընթացի մշտադիտարկումը կատարվում է մարզպետների աշխատակազմերի համակարգմամբ:

4. Սույն որոշմամբ հաստատված հավելվածի 3-րդ կետի շրջանակներում առաջացող ֆինանսական պարտավորությունները կիրականացվեն

Հայաստանի Հանրապետության Էկոնոմիկայի նախարարության կողմից
իրականացվող պետական աջակցության ծրագրերի շրջանակներում
հատկացված ֆինանսական միջոցների հաշվին՝ կատարելով
համապատասխան վերաբաշխումներ:

5. Սույն որոշումն ուժի մեջ է մտնում հրապարակմանը հաջորդող օրվանից և
տարածվում է 2025 թվականի օգոստոսի 1-ից հետո Հայաստանի
Հանրապետության Արարատի և Արմավիրի մարզպետների աշխատակազմերի
կողմից իրականացված մշտադիտարկման արդյունքում արձանագրված
տոմատի մածուկի արտադրության նպատակով փաստացի մթերված լուլիկի
ծավալների վրա:

Հայաստանի Հանրապետության վարչապետ

Ն.

Փաշինյան